

ANG KABUG-ATON SA PAG-IKAPULO



Ang pag-ikapulo maoy usa ka pagpadayag sa atong pagtoo ug pagsalig sa Dios.

Inig uli nato sa ikapulo, kita nagapakita nga kita maoy mga piniyalan inay nga mga tag-iya sa mga panalangin sa Dios.

Mahinungdanon kini alang kanato sa paghibalo kon unsay pag-ikapulo, unsay tuyo niini, ug unsaon kini paggamit.



Unsay gamitan sa ikapulo?



Ang pag-ikapulo ba adunay kaayohan kanako?



Kinsay modawat sa ikapulo?



Asa nako ihatag ang akong ikapulo?



Ang pag-ikapulo ba adunay bahin sa akon kaluwasan?



UNSAY GAMITAN SA IKAPULO?

“Ug siya miingon kanila, ” Panglakaw kamo sa tibuok kalibutan ug iwali ninyo ang Maayong Balita ngadto sa tibuok nga kabuhatan.” (Marcos 16:15)


Ang mga ekonomiyahong kahinguhaan gikinahanglan sa pagtuman sa dakung sugo nga gisangon ni Jesus sa Iyang iglesia.



Sukad pa sa kapanahonan ni Abraham—ug malagmit una pa niana—, ang pag-ikapulo mao nay sistema sa Dios sa pagtabang sa mga ministro pagbuhat sa bug-os nga panahon sa pagkatagkatag sa Maayong Balita (1Co. 9:14).

Nganong gipahimug-atan sa Dios nga kinahanglan kita magdala sa “**TANANG** ikapulo” ngadtos a Templo (Malaqueas 3:10)?

Ang matag ikapulo kinahanglanon. Ang pag-abag sa buhat dili usa ka buhat alang lamang sa pipila nga katawahan. Kabus ug adunahang katawahan kinahanglan makigbahin sa buhat sa Maayong Balita sa nagakaigo nga paagi.



ANG PAG-IKAPULO BA ADUNAY KAAYOHAN KANAKO?

“Dad-a ninyo ang tibook nga ikapulo ngadto sa balay nga tipiganan, aron nga adunay kalan-on diha sa akong balay, ug pinaagi niini sulayi ninyo ako karon, nagaingon si Jehova sa mga panon, kong dili ba buksan ko kaninyo ang mga tamboanan sa langit, ug buboan ko kamo sa panalangin, sa pagkaagi nga wala na unyay dapit nga igong kabutangan sa pagdawat niini.” (Malaqueas 3:10 NIV)

Ang mga panalangin sa Dios gisaad nga dili lamang mga materyal nga butang. Ang Dios nagabobo usab kanato sa dagkung mga espiritohanong panalangin (Efeso 1:3): Kalipay, kalinaw, ang kasigurohan sa atong kaluwasan ...

Nganong buot sa Dios magpanalangin kanato (Mateo 10:8)?



Ang punoang rason nga kita gipanalanginan mao nga kita makapahat sa mga panalangin ngadto sa uban.

“Labi pang bulahan ang paghatag kay sa pagdawat”
(Buhat 20:35)



KINSAY MODAWAT SA IKAPULO?

“Do you not know that those who minister the holy things eat of the things of the temple, and those who serve at the altar partake of the offerings of the altar? Even so the Lord has commanded that those who preach the gospel should live from the gospel”
(1 Corinthians 9:13-14)



Sa Daag Tugon, ang mga Levianhon nagdawat sa mga ikapulo sa Israelitas. Kadto nga mga ikapulo gisangkap alang kanila samtang sila nanag-atiman sa espiritohanong panginahanglanon sa katawhan. Ang mga Levianhon usab naghatag sa ikapulo sa mga ikapulo sa pagsangkap alang sa mga sacerdote (Numeros 18:26).

Ang apostol Pablo naggamit sa susamang prinsipyo alang niadtong nanagbuhat diha sa pagwali sa Maayong Balita.

Salamat sa pag-ikapulo, ang mga pastor ug katdong nanagbuhat alang sa iglesia makabuhat sa bug-os nga panahon diha sa pagpairog sa buhat sa Maayong Balita.

ASA NAKO IHATAG ANG AKONG IKAPULO?

“Ug ang sacerdote ang mga anak nga lalake ni Aaron igakauban sa mga Levihanon, sa diha nga ang mga Levihanon manguha sa mga ikapulo: ug ang mga Levihanon magadala sa ikapulo sa mga ikapulo ngadto sa balay sa among Dios, ngadto sa mga lawak, ngadto sa tipiganan sa bahandi. 39Kay ang mga anak sa Israel ug ang mga anak ni Levi magadala sa halad-nga-binayaw nga mga trigo, sa bag-ong vino, ug sa lana, ngadto sa mga lawak, diin ang mga sudlanan sa balaang puloy-anan, ug ang mga sacerdote nga nanag-alagad, ug ang mga magbalantay sa pultahan, ug ang mga mag-aawit: ug kami dili mobiya sa balay sa among Dios.” (Nehemias 10:38-39 NIV)



Ang mga ikapulo gipangtigum ug gipanghatag sumala sa panginahanglanon sa mga Levianhon, mga sacerdote, ug mga magbalantay sa ganghaan ug mga mag-alawit.

Giunsa nato pag-aplikar niana nga prinsipyo sa iglesia karon?

Kinahanglan atong ihatag ang atong ikapulo ngadto sa panudlanan sa lokal nga iglesia. Unya, kini bahin-bahinon ngadto sa Conferensya, Unyon o Misyon aron ang mga magbubuhar niana nga dapit masweldohan.

Ang ikapulo sa mga ikapulo pagadad-on ngadto sa mga Dibisyon ug sa Conferensya Heneral alang sa susama nga paagi.



ANG PAG-IKAPULO BA ADUNAY BAHIN SA AKON KALUWASAN?



"Kay sa atubangan sa Dios walay tawo nga pagamatarungon pinaagi sa mga pagtuman sa kasugoan..." (Roma 3:20 NIV)

Ang pag-ikapulo ug tanan natong tulomanon dili makahimo kanato nga takus sa kaluwasan.

"Maingon man usab niini kamo, sa makabuhat na kamo sa tanang gisugo kaninyo, umingon kamo, `Kami mga ulipon nga walay hinungdan, kay kami igo lamang nagbuhat sa kinahanglan among pagabuhaton ingon nga among katungdanan.'" (Lucas 17:10).

Ang kaluwasan maoy usa ka wala hagoi nga gasa nga atong madawat pinaagi sa pagtoo.

Ang pag-ikapulo dili makaluwas kanato ni makatabang sa bisan unsang paagi alang sa atong kaluwasan. Ang pag-ikapulo maoy pagpadayag sa atong pagtoo.



“Ang plano sa Dios diha sa pag-ikapulo nga sistema maoy matahom diha sa kayano ug kaangayan niini.... Tanan malagmit mobati nga sila makabuhay og usa kabahin sa pagdala sa unahan sa hamiling buhat sa kaluwasan. Ang matag lalake, babaye, ug batan-on mamahimong usa ka magtitipig alang sa Ginoo ug mamahimong usa ka ahente sa pagsulbad sa mga gikinahanglan sa panudlanan. Matud pa sa apostol: ‘Ang matag-usa kaninyo kinahanglan magagahin ug magatigum sumala sa iyang pag-uswag, aron nga inig-abut ko diha dili na kinahanglan himoon pa ang pagpaamotay.’ 1 Corinto 16:2.

Ang matag usa kanunay magsusi sa iyang kita, kansa maoy usa ka panalangin gikan sa Dios, ug ilahi ang ikapulo ingon nga usa ka lahi nga pundo, aron mamahimong binalaan iya sa Ginoo. Kini nga pundo kinahanglan dili sa binsan unsang higayon igahapak sa bisan unsa nga paggamit; kini kinahanglan igahalad lamang sa pag-abag sa ministryo sa maayong balita”